

## 歛田寺紀畧

歛田寺在長沙清泰鎮歛田衝舊名巖石衝迴龍山之陽舊名福壽寺始於季唐我三世祖英仲公手建蓋遊宦歸來暮年淨修之刹也事載邑志寺觀類汔於宋時九世祖可秀公奉父園遺像入祀割歛田莊歲租四十碩以供烝嘗之需明成化十六年廿二世祖懸九公復於寺內建思親堂詳見吉祥祠咸豐譜迨錄懸九公自著譜序因族屬散處僱僧護持久之遂被竊據清社旣屋繼訓罷官里居宗老覲文總戎告余茲寺顛末且謂吾家千年遺跡不可假人謀及季原孝廉意亦從同清理寺產之

議始決忽僧正慧等百計阻遏遂訟於官得直復歸於我總戎  
於是釀貲重新棟宇顏曰國公祠以符名實祀產亦畧爲擴充  
由蕃椒塢總祠遴賢董理以永明禋是役也總戎主持最力而  
慶元笙華子闇鏡吾弗陔桐舫箕耀暨吾筱塋七叔在事尤勤  
聊揭櫬畧後人具毋忘焉繼訓謹志